

古

今

譚

槩

矜嫺部第十二目錄

負圖先生

韓山石

福先寺碑文

首冠

殷桓相侮

李邕

三災石

藏拙

崔丞相聰明

鄭元禮詩

造五鳳樓手

邾方回奴

韓叔言

夔州諸詠

三分詩

六合賦

文胖

賈島

柳三變

羅隱

杜審言

王稚欽 計二條

桑悅 計二條

袁嘏

殷妻狂語 計二條

劉源

劉真長

丘靈鞠

謝仁祖

第一流

韓愈王儉語 計二條

馬曹

王孫語相似 計二條

長柄葫蘆

檳榔

張融

授枕

王恬

盧排

大武生

郭忠恕畫卷

殘客

羅君章

蔡公客

張景胤

壞面

張唐輔

喏樣

幼戲郡侯

侮老

姚彪

謝方眼

侍枯骨

稽康

彌正平

老兵 計二條

謝萬好言

詆夫 計二條

字父

譙父 計二條

父子相譙 計二條

王令公

報栗

參軍倉鶻

狗脚朕

矜嫚部

子猶曰謙者不期恭恭矣矜者不期嫚嫚矣達士瞻
觀才流雅負雖占高原亦遠中路彼不檢兮揚衡學
步自視若升視人若墮狎侮詆譏日益驕固臣虛其
君子弄其父如癡如狂可笑可怒君子謙謙慎防階
既集矜嫚第十二

○負圖先生

李充號負圖先生嘗餌菊朮經旬不語人問何以曰世
間無可食亦無可語者

此三代時仙人必如此人方可說如此語

○韓山石

庾信自南朝至北方惟愛溫子昇作韓山碑或問北方何如信曰惟韓山一片石堪與語餘若驢鳴犬吠耳

濟陰王暉稱子昇之文足以陵顏延韓謝運舍任昉吐沈約信北方之英矣然天下儘有好驢鳴犬吠者

韓山一片石不會說話如何如何

○福先寺碑文

裴度脩福先寺將求碑文於白居易判官皇甫湜怒曰

近捨湜而遠取居易請從此辭度亟謝隨以文屬湜湜
飲酒揮毫立就度酬以車馬玩器約千緡湜怒曰碑三
千字每字不直絹三匹乎度又依數酬之湜又索文改
竄度笑曰文已妙絕增一字不得矣

○○首冠

開成初盧肇就江西解試爲試官末送肇有謝啓云巨
鼈負鼎首冠蓬山試官謂之曰昨恨人數擠排深慙名
第奉澆何云首冠肇曰頑石處上巨鼈戴之豈非首冠
一坐大笑

考試無憑、賴此解嘲、

○○殷桓相侮

殷深源少與桓溫齊名、嘗有競心、桓問殷、卿何如我、殷云、我○與○我○周○旋○久○寧○作○我○殷嘗作詩示桓、桓玩侮之曰、汝○慎○勿○犯○我○犯○我○當○出○汝○詩○示○人○也○

○李邕

李邕嘗不許蕭誠書、誠乃詐作古帖、令紙故暗、持示邕、曰、此乃右軍真跡、如何、邕看稱善、誠以實告之、邕復取視、曰、細看、亦未能全好、

唐太宗學虞監隸書每難於戈法一日書過戠字招世南補寫其戈以示魏鄭公曰朕書何如世南公曰仰觀聖作內戠字戈法逼真李邕眼力大遜鄭公說好說歹一味忌刻耳

○三災石

蕭穎士嘗至李韶家見歛硯頗良語同行者曰君識此硯乎蓋三災石也同行者不喻退而問之曰字札不奇一災也文辭不優二災也憲兒狼籍三災也

○藏拙

梁徐陵使於齊時魏收有文學北朝之秀錄其文集以遺陵命傳之江左陵還濟江而沉之從者問故曰吾與魏公藏拙。

○崔丞相聰明

韓愈常語李程曰愈與崔丞相羣同年往還直是聰明過人李曰何處過人韓曰共愈往還二十餘年不曾說着文章。

○鄭元禮詩

鄭元禮崔昂婦弟魏收昂之妹夫昂持元禮數詩示盧

思道曰元禮比來詩詠亦不減魏收思道曰未覺元禮
賢於魏收且知姝丈疎於婦翁

○造五鳳樓手

韓浦韓洎兄弟皆有文辭洎嘗輕浦語人曰吾兄爲文
譬如繩樞草舍聊蔽風雨予之爲文是造五鳳樓手浦
聞而笑之適有人遺蜀牋浦作詩與洎曰十樣蠻牋出
益州寄來人自浣溪頭愚兄得此全無用助爾添脩五
鳳樓

○鄰方回奴

鄰方回家有僮奴知及文章事事有意王右軍見劉向稱之劉問何如方回王曰此正小人有意向耳何得比方回劉曰若不如方回故是常奴

○韓叔言

韓叔言性好謔浪有投贄太荒惡者使妓炷艾薰之俟其人來出而嗅之曰子之卷軸何多艾氣宋齊丘凡建碑碣皆自爲文命韓八分書之乃以紙塞鼻曰其詞穢且臭又魏明嘗攜近詩詣之韓托以目病明請自吟韓曰耳聾加劇

○夔州諸詠

蔡子木酒後、自歌其夔州諸詠、甫發歌、吳國倫輒鼾寢、鼾聲與歌相低昂、歌竟、鼾亦止、

○三分詩

郭祥正嘗出詩一軸示東坡、先自吟誦曰、此詩幾分、坡曰、十分、祥正驚喜問之、坡曰、七分來是讀、三分來是詩、祥正一日夢中作遊采石詩、明日書以示人曰、予決非久於世者、人問其故、祥正曰、予近詩有欲尋鐵索排橋處、只有楊花慘客愁之句、非予平日所能到、忽

得之不祥、不踰月、果死。李端叔聞而笑曰：「不知杜少陵如何活得許久。」

○六合賦

劉孔昭畫緝綴一賦、以六合爲名、自謂絕倫。曾以呈魏
收而不拜。收忿、謂曰：「賦名六合、已是大愚。文又愚於六
合、君四體又愚於文、劉不勝忿、以示邢子才子。才子曰：『君
此賦正似疥騾馱、伏而無絨嬾。』」

○文胖

茂苑文氏皆聰穎、尤工書。獨一人號文胖者、亦諸生、文

與書姑拙遇歲試，俞華麓力勸勿往。驚問何故，乃曰：如子之文，雖有衡山之書，亦無用。卽王守溪文，而子書之，人亦懶看矣。恐黜不盡辜，是以憂之。

○○賈島

賈島爲僧時，居法乾寺。一日宣宗微行至寺，聞鐘樓上有吟聲，遂登樓，於島案上取詩覽之。島攘臂睨之曰：「郎君何會此？」遂奪取詩卷，帝慙，下樓去。旣而島知之，亟謝罪，乃賜御札除長江簿。

○○柳三變

柳耆卿爲屯田員外郎初名三變自作詞云才子詞人
自是白衣卿相後有薦於朝者仁宗曰此人風前月下
且去填詞由是不得志無復檢舉自稱奉聖旨填詞柳
三變

○按○柳○永○死○日○家○無○餘○財○羣○妓○合○金○葬○之○郊○外○每○春○月○
上○塚○謂○之○弔○柳○七○子○猶○曰○生○雖○白○衣○賤○死○得○紅○裙○憐○
北○邙○塚○累○累○白○楊○風○滿○天○卿○相○代○有○作○誰○復○追○黃○泉○
嗚呼柳三變風流至今傳

○羅隱

羅隱曾與韋貽範同舟舟人告隱云此有朝官羅曰是何朝官我脚夾筆可以敵得數輩韋宣之朝由是不復召用

○杜審言

杜審言將死語宋之問武平一曰吾在久歷公等今且死固大慰但恨不見替人登封中蘇味道爲天官侍郎審言預選試判訖謂人曰味道必死矣人問其故曰見吾判自當羞死

○王稚欽

黃岡王延陳字稚欽少負奇才然好逐街市童兒之戲
父母挾朴之輒呼曰大人奈何虐海內名士

王稚欽爲翰林庶吉士故事學士二人教習體甚嚴重
稚欽獨心易之時登院署中樹上窺學士過故作聲驚
之學士大恚後出爲給事中以建言補裕州守益驕甚
臺省監司過州不出迎亦無所托疾入或勸之怒曰離
譏諸盲官受廷陳迎當不愧死耶

○桑悅

海虞桑悅字民懌十九舉鄉試春闈策有曾中有長劍

一日幾回磨等語。爲吳學士汝賢所黜。又學以至聖人之道論云。堯以是傳之舜。云云。夫子傳之孟軻。孟軻傳之我。爲丘學士仲深所黜。得乞榜。年纔二十三。籍誤以二爲六。用新例不許辭。遂有泰和訓導之命。按察視學者行部抵邑。不見悅。乃使吏往召之。悅曰。連宵且雨淫。傳舍圯。守妻子無暇。何暇候若。按察久不能待。更兩吏促之。悅益怒曰。若真無耳者。卽按察力能屈博士。安能屈桑先生。爲若期三日。先生來。不然。不來矣。按察先受丘濬之囑。竟不之罪。

丘學士慕桑悅名、令觀所爲文、詒以他人所撰悅心
知之、曰、明公謂悅不怯穢乎、奈何令悅觀此、丘不之
憾、而反爲先容、殆今人所難矣、

故事、御史出按郡邑、博士侍左右立、竟日、桑悅請曰、有
犬馬疾、願假借之、使得坐談、御史素聞悅名、令坐、說詩
少休、悅除襪跣而爬足垢、御史不能堪、令出、尋復薦之、
遷長沙倅、再調柳州、悅意不樂往、人問之、輒曰、宗元小
生、擅此州名久、吾一旦往、掩奪其上、不安耳、

○袁綬

齊諸暨令袁淑詩平平耳嘗自云我詩有生氣須人捉
着不爾便飛去詩品

○殷婁狂語

殷安嘗謂人曰自古聖賢不數出伏羲以八卦窮天地
之旨一也乃屈一指神農植百穀濟萬民二也乃屈二
指周公制禮作樂百代常行三也乃屈三指孔子出類
拔萃四也乃屈四指自是之後無復屈得吾指者良久
曰并安纔五耳

黃帝堯舜諸公還求纔一纔案

上饒妻諫過姑蘇泊舟楓橋因和唐人詩有獨起占星
夜不眠之句對客云汝不知我每行必動天象
小人天狗都是星象由他誇嘴

○劉源

劉源豪宕不羈值湯胤績廣坐中劉曰湯雖出將家學
問見識種種過人既曰再加數年依稀似我矣

○劉真長

王長史語劉真長曰卿近大進劉曰卿仰看耶長史問
曰何也劉曰不爾何由測天之高

○丘靈鞠

沈深見王僧詩曰王令文章大進丘靈鞠曰何如我未進時

○謝仁祖

謝仁祖年八歲謝豫章將送客爾時語已神悟自參上流諸人咸共歎之曰年少一坐之顏回仁祖曰坐無尼父焉別顏回

果是顏回不須尼父亦別若真有尼父恐顏回又未必屬君矣

○第一流

王中郎年少時、江彪爲僕射、領選、欲擬爲尚書郎、有語王者、王曰、自過江來、尚書郎正用第二流人、何得及我、江聞而止、

○韓愈王儉語

陸長源爲宣武行軍司馬、韓愈爲巡官、或譏其年輩相遠、愈曰、大蟲、老鼠、俱爲十二相屬、何怪之有、

王儉與王敬則同拜三公、徐孝嗣候儉朝之日、今日可謂連辟、儉曰、不意老子遂與韓非同傳、

○馬曹

王子猷作相車騎冲騎兵參軍桓問曰卿何署答曰不知何署時見牽馬來似是馬曹桓又問官有幾馬答曰不問馬何由知其數又問馬比死多少答曰未知生焉知死

○王孫語相似

王子猷作桓車騎參軍桓謂王曰卿在府久比當相料理初不答直高視以手板拄頰云西山朝來致有爽氣孫山人太初寓居武林賈文憲罷相歸訪之值其晝寢

孫故臥不起。久之乃出。又不謝送。及門第矯首東望曰。海上碧雲起。遂接赤城。大奇大奇。文憲出謂馭者曰。吾一生未嘗見此人。

二公大有超然塵外意。然冷面相向。亦大難爲人矣。

○長柄葫蘆

陸士衡初入洛。詣劉道真。劉尚在哀制中。性嗜酒。禮畢。初無他言。惟問東吳有長柄葫蘆。卿得種來否。陸殊悔往。

○檳榔

劉穆之好往妻兄江氏乞食多見辱江氏慶會囑勿來穆之猶往食畢求檳榔江曰檳榔消食君何須此穆之尹丹陽以金盤貯檳榔一斛進之

○張融

張思光融嘗請吏部尚書何戢誤通尚書劉澄融下車入門曰非是至戶外望澄又曰非是既造席視澄又曰非是乃去

○授枕

范忠宣端居永州客至必見之對談兩榻多自稱老病

不能久坐。徑就枕。亦授客一枕。使與對臥。數語之外。往往鼻息如雷。客待其覺。有至終日不得交一談者。

○王恬

王導子恬。傲誕。謝萬嘗造。既坐。便入內。萬以爲必厚待已。久之。乃沐頭被髮而出。據胡床於庭中。曬髮。竟無賓主禮。萬悵然而還。

○盧枏

盧枏爲諸生。與邑令善。令嘗語枏曰。吾旦過若飲。枏歸。益市牛酒。會令有他事。日晏不來。枏且望之。斗酒自勞。

醉則已臥。報令至。稱稱醉不能具賓主。令恚去曰。吾乃爲僇人子辱。

下交美事。乃復效田丞相偃蹇。幸免罵坐。不足爲辱。
○大武生

石曼卿一日謂僧秘演曰。館俸清薄。恨不得痛飲。演曰。非久當引一酒主人奉謁。不數日。引一納粟牛監簿來。以宮醪十擔爲贄。演爲傳刺。曼卿愕然延之。乃問甲第何許。牛曰。一別舍介繁臺之側。曼卿語演曰。繁臺寺閣虛爽可愛。久不一登。牛曰。學士倘有興。當具酒簌從遊。

曼卿因許之、一日休沐、約演同登、演預戒生大陳飲具、石演高歌褫帶、飲至落景、曼卿醉喜曰、此遊可紀、乃以盆漬墨、濡巨筆、題云、石延年曼卿同空門詩友老演登此、生拜叩曰、塵賤之人、幸獲倍侍、乞掛一名、以免賤迹、曼卿大醉、握筆沈慮、目演曰、大武生、捧硯、用事可也、竟題云、牛某捧硯、永叔詩曰、捧硯得金牛、

○○郭忠恕畫卷

郭恕先忠恕善畫、有求者、必怒而去、意欲畫、卽自爲之、時與役夫小民入市肆飲、曰、吾所與遊、皆子類也、寓岐

下時有富人子喜畫日給醇酒待之甚厚久乃以情言且致匹素郭爲畫小童持線車放風鳶引線數丈滿之富人子大怒與郭遂絕

○殘客

吏部張纘與何徽客意趣不協徽客居權軸賓客輻輳有詣纘者輒拒不前曰吾不能對何徽客殘客

梁史

又吳興吳規頗有才學從邵陵王綸在郢藩深蒙禮遇纘出之湘鎮路經郢綸餞之纘見規在坐意不能平忽舉杯曰吳規此酒慶汝得陪今宴規不悅而去

其子翁孺知父見挫、因氣結、爾夜便卒。規恨續慟見、悲憤兼至、信次之間、又殞。規妻深痛夫子、翌日又亡。時人謂張纘一杯酒、殺吳氏三人、其輕傲皆類此。文起美曰、此晉時遺風、今人却無此習。然風氣靡靡、雜交非類、不以爲醜、吾猶取此耳。

羅君章舍、曾在人家、主人令與坐上客共語、答曰、相識已多、不煩復爾。

○蔡公客

王劉每不重蔡公

蔡謨字道明

二人嘗詣蔡、語良久、乃問蔡

曰、公自言何如夷甫、答曰、身不如夷甫、王劉相目而笑曰、公何不如、答曰、夷甫無君輩客。

○張景胤

宋張敷遷江夏王義恭記室參軍、義恭就文帝求一學義沙門、會敷赴假、還江陵、入辭、帝令以後車載沙門往、謂曰、道中可得言晤、敷不奉詔曰、臣性不耐雜。中書舍人狄當周赴、竝管要務、以敷同省名家、欲詣之、赴曰、彼若不相容接、不如勿往、當曰、吾等竝已員外郎矣、何憂不得共坐、敷先旁設二牀、去壁三四尺、二客就席、便呼

左右曰、移我牀、遠客、趙等失色而去、

又中書舍人弘興宗爲文帝所愛遇、帝謂曰、卿欲作
士人、當就王球坐、及詣球、稱旨就席、球舉扇曰、卿不
得爾、弘還奏、帝曰、我便無如何、齊紀僧真以武吏得
幸、就世祖乞作士大夫列、世祖曰、此由江數謝謫、可
自詣之、紀承旨詣江、登榻、江便呼左右、移吾牀、遠客、
紀喪氣而退、世祖曰、士大夫固非天子所命、古人之
不假借類如此、

○壞面

支道林還東時賢並送於征虜亭蔡子叔

蔡系濟陽人

前至

坐近林公謝萬石後來坐小遠蔡暫起謝移就其處蔡還便合襌舉謝解地自復坐謝冠帻俱脫振衣就席徐謂蔡曰卿奇人殆壞我面蔡答曰我本不爲卿面作計

○○張唐輔

文鑒大師謁成都守張逸與華陽簿張唐輔同候客次唐輔欲搔髮方脫巾睥睨文鑒罩其首文鑒大怒喧嗽張召就坐文鑒曰與此官素不相識輒將幘頭罩頭上唐輔曰方頭痒甚幘頭無處頓放見師頭閒權放片時

不意其怒也。

○○喏樣

李佑守官河朔。監司怒其喏不平正。翌日。更極麤率。監司愈怒。佑曰。高來不可。低來不可。乞明降一喏樣。

○幼戲郡侯

孫周翰自幼精敏。其父穆之。攜見郡侯。時值春宴。侯與座客簪花。侯因命曰。口吹楊柳成新曲。翰曰。頭帶花枝。學後生。侯笑曰。何遽便戲老夫。

○侮老

楊大年弱冠與周翰朱昂同在禁掖二老已皤然矣楊每論事則侮之曰二老翁以爲何如翰不能堪正色曰君莫欺老老亦終畱與君昂曰莫畱與他免得後人又欺他

○姚彪

姚彪與張溫俱至武昌遇吳興沈珩守風糧盡遣人從彪貸鹽一百斛彪性峻直得書不答方與溫談論久呼左右倒百斛鹽著江中謂溫曰明吾不惜惜所與耳

○謝方眼

南宋謝善勛飲酒至數升、醉後輒張眼大罵、雖貴戚親疎無所擇、時謂之謝方眼。

古之簪也以酒、今之簪也以人、此公猶有古意。

○恃枯骨

梁朱异輕傲朝賢、不避貴戚、人或薄之、异曰、我以寒士遭遇、諸貴皆恃枯骨見輕、我若下之、爲蔑尤甚、我是以先之。

○稽康

稽康性好鍛、初居貧、常與向秀共鍛於大樹之下、以自

給。潁川鍾會往造焉。康不爲之禮。而鍛不輟。良久會去。康謂曰。何所聞而來。何所見而去。會曰。聞所聞而來。見所見而去。

簡文云。備傷其道。

○禰正平

禰衡性傲。不肯謁曹操。操欲辱之。錄爲鼓吏。以帛絹製衣。作一岑牟。一單絞。及小幘。鼓吏度者。皆當脫故衣。易新衣。次傳衡。不肯易衣。吏呵之。衡便於操前。先脫幘。次脫餘衣。裸身而立。徐徐着岑牟。次着單絞。後乃着幘。復

擊鼓作漁陽摻搥。顏色無作。操笑謂四座曰。本欲辱衛
衡。反辱孤。孔融退而責之。衡許復往。操喜。敕門者有客
便通。待之極宴。衡乃著布單衣。疎巾。手持三尺棨杖。坐
大營門。以杖箠地大罵。操以其才名。不殺。令送劉表。臨
發。衆餞之於城南。相戒云。俟衛到。當共臥坐以折之。衡
一至。便大號。衆問其故。曰。坐者爲冢。臥者爲屍。屍塚之
間。能不悲乎。

○老兵

桓溫司馬謝奕。逼溫飲。溫走入南康主門避之。奕遂携

酒引溫一老兵共飲曰失一老兵得一老兵亦何所恨
溫不之責

劉貢父爲中書舍人一日朝會幕次與三衛相鄰時諸
帥兩人出一水晶茶盃傳玩良久一帥曰不知何物所
成瑩潔如此貢父隔幕戲云諸公豈不識此乃多年老
冰耳

○○謝萬好言

謝萬北征惟以嘯咏自高未嘗撫將士謝公戒之曰汝
爲元帥宜數喚諸將宴飲好言以悅其心萬從之因召

集諸將都無所說直以如意指四坐云諸君皆是勁卒
諸將甚恨

○詆夫

王渾妻鍾氏字琰生子濟一日渾嘗共琰坐濟趨庭而
過渾欣然曰生子如此足慰人心琰曰若新婦得配參
軍生子固不翅如此耳參軍渾第倫也

謝道韞奕之女適王凝之還甚不樂奕曰王郎逸少子
不惡汝何恨也曰一門叔父則有阿大中郎羣從兄弟
則有封胡羯末不意天壤之間乃有王郎

○字父

王濛美姿容嘗攬鏡自照稱其父字曰王文開乃生此兒胡毋子光見其父彥國三伏坐衙搖扇觀事呼曰彥國何爲自貽伊戚

據古人立字以敬名春秋稱字爲賢則子思作中庸稱仲尼非止臨文不諱也但難爲世俗道耳

謹父

裴勛質貌么臙而性尤率易嘗侍父坦飲坦令飛盞每屬一人輒目其狀坦付勛曰矮人饒舌破車饒楔裴勛

十分、助飲訖而復益曰、螭蟠不自見、笑他梁上黠十一郎十分坦、第十一也、坦怒、笞之上梁不正、難怪矮人饒舌。

陸餘慶爲洛州長史、能言而艱於決判、時人語曰、說事喙長三尺、判事手重千斤、其子亦謔云、陸餘慶、陸餘慶、筆頭無力、嘴頭硬、一日受詞訟、十日看不竟、書紙迭案褥下、餘慶得之曰、必是那狗、遂鞭之。

○父子相謔

後趙京兆公韋謏、字憲道、深博、善著述、然性不嚴重、嘗

戲其子伯陽曰、我高我曾、重光累微、我祖我考、父父子子、汝爲我對、正值惡抵、伯陽曰、伯陽之不肖、誠如尊教、尊亦正值軟抵耳、謾慙無言、

李西涯子兆先、有才名、然好遊狎邪、一日西涯題其座曰、今日柳巷、明日花街、誦讀詩書、秀才秀才、子見之、亦題阿翁座曰、今日猛雨、明日狂風、變理陰陽、相公相公、按兆先以游俠無度蚤夭、西涯公竟不嗣、

○○王令公

王中令鐸罷鎮、將避地浮陽、遇魏樂彥核禮之、甚至彥

楨有子曰從訓素無賴利其行李伺鐸至甘陵以輕騎數百盡掠其橐裝姬妾而還鐸與賓客皆遇害及奏朝廷云得貝州報某日有劫殺一人姓王名令公其忽誕如此

○報栗

梁蕭琛預御筵醉伏武帝以棗投琛琛便取栗擲帝正中面帝動色琛曰陛下投臣以赤心臣敢不報以戰慄雖說得好終是欠雅

○參軍倉儻

五代徐知訓狎侮吳王、無復君臣之禮、嘗與王爲優、自爲參軍、使王爲倉鶻、

日

輟耕錄曰、副淨爲參軍、副末爲倉鶻、以副末能擊副淨也、子猶曰、如此說、尚有箇尊卑在、

○狗脚朕

高澄侍宴以大觴屬孝靜帝、帝不勝忿、曰、自古無不亡之國、朕安用生爲、澄怒曰、朕朕狗脚朕始乎謔、卒乎罵、漸不可長、信然、

拚嫚部 終

貧儉部第十三目錄

齒聲

桶中人

無袴吟

簇酒斂衣

夏侯妓衣

小宰羊

雙枯魚

獻薑

魯學士祝壽

御史自漁

鄭餘慶

王羆

變家風

翟參政請客

陳孟賢

食韭

計二條

王導

王戎

和嶠

沈峻

虞玩之

裴璩

飲牛

子孫植

省夕餐

醢

鹽

樹肉

婦取百錢

羊脾

鴨子

故蓆

珊瑚筆格

歸廉泉

半邊聖人

漢世老人

孫景卿鄧差

靳賞

客禍

置產

貧儉部

子猶曰貧者士之常也。儉者人之性也。貧不得不儉。而儉者不必貧。故曰性也。然則儉不可乎。曰吝不可耳。夫儉非卽吝。而吝必托之於儉。儉而吝則雖堆金積玉與貧乞兒何異。故吾統而名之曰貧儉。第十三。

○齒聲

供奉官羅承嗣住州西鄰人。每夜聞擊物聲達旦不輟。穴隙視之。乃知寒凍齒相擊耳。

○桶中人

呂微之安貧樂道常冒雪往富家易穀種聞關中吟哦聲乃一人分韻得滕字未就先生因請以滕王蛺蝶事足之問其姓名不言刺船而去衆疑爲呂處士遣人遙尾其後路甚僻遠識其所而返雪霽往訪焉惟草屋一間值先生不在忽米桶中有人乃先生妻也因天寒無衣故坐桶中

○無袴吟

義興儲遇家貧冬月無袴作口號云西風吹雨聲索索這雙大腿沒下落朝來出榜在街頭借與有袴人家着

○簇酒斂衣

叙開錄辛洞好酒而無資嘗攜榼登人門每家取一盞投之號爲簇酒。樽首集伊處士從衆人求尺寸之帛聚而服之目曰斂衣。

○夏侯妓衣

夏侯豫州鹽性極吝晚年好音樂有妓妾數十無被服姿容客至嘗隔簾奏樂時呼簾爲夏侯妓衣。

○小宰羊

時戡爲青陽丞潔以勸民肉味不知日市豆腐數箇邑

人呼豆腐爲小宰，宰

如此宰，定不怕踏破菜園。然丞亦有小倖人，何處支銷。

○雙枯魚

東郡趙咨爲東海郡，以儉化俗，人遺其雙枯魚者，噉之三歲不盡。

○獻薑

孔瑒之爲臨川太守，在任清約，罷郡還，獻乾薑二片。武帝嫌其少，知瑒之清，乃歎息。

比醫家一劑藥尚少一片太矯太矯。

○魯學士祝壽

趙司成永號類菴京師人一日過魯學士鐸邸魯曰公何之趙曰憶今日爲西涯先生誕辰將往壽也魯問公何以爲贊趙曰怕二方魯曰吾贊亦應如之入啓笥無有購貯良久憶里中曾餽有枯魚令家人取之家人報已食僅存其半魯公度家無他物卽以其半與趙俱往稱祝西涯烹魚沽酒以飲二公歡甚卽事倡和而罷古以東脩爲禮之至薄若枯魚而止半太不成文矣

子猶曰、西涯公亦不全靠魯學士視儀、

○御史自漁

粵西韋廣爲御史歸、貧甚、居荒村、故人按部、廣意其必來訪、無所得饌、自漁於江、故人猝至、騶從既過、廣登岸卽走、踰後垣入、衣冠肅客、客曰、公何汗流漬髮、廣曰、適在近村、聞公至、竭屢趨迎故耳、左右竊笑曰、絕似江中打漁人、

○鄭餘慶

鄭餘慶極清儉、一日忽召親朋官數人會食、衆皆驚訝

侵晨赴之、日高、餘慶方出、開話移時、衆腹已枵、餘慶呼
左右曰、分付厨家、爛蒸去毛、莫拘折項、衆相顧、以爲必
蒸鷺鴨之類、又久之、盤出醬醋、亦極香新、但見每人前
下粟飯一碗、蒸葫蘆一枚、皆匿笑強進、一作劇
憫憫事

儉子筵席、固不易喫、○張約齋鑑、性喜延山林湖海
之士、一日午酌、數杯後、命左右作銀絲供、且戒之曰、
調和教好、又要真味、衆客謂必鱸也、良久、出琴一
張、請琴師彈離騷一曲、二事絕相類、

○王熙

北史王熙性儉率鎮河東日嘗有臺使至熙爲設食乃裂去薄餅緣熙曰耕種收穫其功已深春麥造成用力不少爾之選擇嘗是未饑命左右撤去之使者愕然又嘗與客食瓜客削瓜皮侵肉稍厚熙就地取食之

王公自是有用之才此等亦似不近人情

○變家風

范氏自文正公貴顯以清苦儉約稱於世子孫皆守其家法忠宣正拜後嘗問鼂美叔同七箸美叔退謂人曰丞相變家風矣或問之鼂答曰鹽豉棋子上有肉兩簇

豈非變家風乎、聞者大笑

○○翟參政請客

翟公巽字汝文、紹興初爲參政、雖身歷兩府、自奉甚於貧士、一日招客、未飲時、先極言近世風俗侈靡、燕樂之間尤甚、因正色曰、德大於天子者、然後可以食牛、德大於諸侯者、然後可以食羊、客自度今日之集、必無盛饌、已而果以惡草具進

○陳孟賢

陳孟賢素客、同僚造一謔笑云、臘月廿四、天下竈神俱

朝上帝、衆盡阜衣、一人獨白、上帝怪之、曰、臣陳孟賢家、
竈神也、諸神俱煙薰、故黑、臣在孟賢家、自三餐外、不延
一客、臣衣何由得黑、後人凡言冷澹事、輒曰陳家竈神

○食韭

庾景行之果、清貧、食惟韭菹、蒲韭、生韭、雜菜、任昉戲之曰、
誰謂庾郎貧、一食常有二十七種、

韭惟勤生、俗號懶人菜、故宜清士饗餐、

魏李崇爲尚書令、家富而儉、食常無肉、止有韭茹、韭
菹、李元祜曰、李令公一食十八種、意同此、

庾太尉亮見陶公侃陶公雅相賞重陶性儉吝及食噉
薤庾因畱白問用此何爲庾云故可種於是大歎庾非
惟風流兼有治實

直是投其儉性何治實之有

○王導

王導性儉帳下有甘果不忍食至春爛敗棄之者猶曰
勿使大郎知

○王戎

王戎從子婚與一單衣後更責之家有好李賣之恐人

得種恒鑽其核。

京師有李名牛心紅核必中斷相傳是王戎鑽核遺
跡可見客到至誠處亦能感通造化。或曰湖湘間有
湘妃竹斑痕點點云是舜妃灑淚有舜哥麥其穗無
芒熟時望之焦黑若火燎然云是舜後母炒熟麥令
其播種天祐之而生王莽竹每竿著二三節必有割
裂痕云是莽將篡位藏銅人於竹中以應符讖而然
此皆附會之說子猶曰也要附會得來。

○和嶠

和嶠性至儉、家有好李、諸弟往園食李、皆計核責錢。王武子求之、與不過數十。武子因其上直、率將少年持斧詣園、共飽噉畢、伐之、送一車枝與和公。問曰：何如？君李和惟笑而已。

華文脩曰：杜元凱謂嶠有錢癖、然自有高韻、與今之守錢虜異矣。

○○沈峻

沈峻欲贈張溫、入內檢視良久、出語溫曰：欲擇一端布送卿、而無贏者、竟不送。

○虞玩之

齊虞玩之爲少府高帝鎮東府時帝取其展視斷處以
芒接玩之曰着已三十年

不意一展與晏子狐裘同壽

○裴琰

裴司徒琰新嗇其廉問江西日凡什器屏帳皆新特置
閒屋貯之未嘗施用每有宴會轉於朝士家借北夢
瑣言
還是無福受用

○飲牛

江湛字微

高介然性儉所畜牛餓御人求草湛良久曰

可與飲

何不用諸葛丞相木牛

○○子孫楹

江西俗儉果楹作數格惟中一味或果或菜可食餘悉
充以雕木謂之子孫楹又不解錚蔗糖亦刻木飾其色
以代匱一客欲食取之方知贗物便失笑覆視之底有
字云大德二年重脩

○省夕餐

桐城方某性吝其兄晚從鄉來某欲省夕餐托以遠出兄草草就宿忽黃鼠逐雞某不覺出聲驅之兄喚云弟乃在家乎某倉卒對曰不是我。是你家弟婦。卽弟婦豈不能治一夕餐不通之甚。

○醋

夏侯信嘗以一小瓶貯醋一升自食家人不沾餘瀝僕云醋盡信必取瓶合掌尚餘數滴以口吸之

○鹽

廣州錄事參軍柳慶獨居一室器用食物並致臥內奴

有私取鹽一撮者、慶鞭之見血

○○臠肉

夏侯彪性吝、奴嘗盜食臠肉、彪大怒、乃捉蠅與食、令嚙出臠。

○○婦取百錢

庫狄伏連位大將軍、甚鄙吝、婦嘗病劇、私以百錢取藥、伏連後覺、終身恨之。

○○羊脾

歸登常爛一羊脾、旋割旋啖、封其殘者、婦於封處割少。

許食登駿之大怒誓不食肉

○○鴨子

鄒州鄧祐家巨富奴婢千人莊田綿亘未嘗設客孫子將一鴨子費用祐以檀破家貲鞭二十

○故蓆

韋莊數米而炊秤薪而爨幼子卒妻斂以時服莊剝取易故蓆裹屍殯訖仍擊其蓆歸莊憶子最悲惟吝財物耳

○○珊瑚筆格

歸田錄錢思公性儉約子弟非時不能取一錢有珊瑚
筆格平生愛惜子弟竊之公榜以十千購之子侔爲求
得以獻欣然以十千與之一歲率五七如此

○○歸廉泉

吳人歸副使廉泉大富客俱極暑月暴水日中浴之省
費薪也生平家食未嘗御肉客至未嘗留款一日有內
親從遠方來必欲同飯乃解袖中乾角上五錢使人於
熟店批數片肉肉至無醬復解一錢市得便嫌其不佳
使還之仍取錢已問醬樣何在尚有餘鹹味足消此肉

也。幼兒見食條糖者而泣。值租入時。乳母奉內命。將米半升易糖。公適自外來見之。詰其故。乃取糖一根。自折少許嘗之。復折少許置兒口。謂曰。味止此耳。何泣爲。卽還糖取米。賣者言糖已損。乃手撮數粒償之。

○半邊聖人

百可堂云。有一士夫性極貪。取人不遺錙銖而已。所有分毫不捨。或譏其吝。答曰。一介不與。聖人之道也。或曰。一介不取。君以爲何如。曰。學而未能。曰。然則君只好學得半邊聖人。

○漢世老人

廣記、漢世老人、家富儉嗇、惡衣蔬食、侵晨而起、侵夜而息、管理產業、聚斂無厭、而不敢自用、人或從之求丐者、不得已、入內取錢十、自堂而出、隨步輒減、比至於外、纔餘半在、閉目以授乞者、復囑云、我傾家贍君、慎勿他說、令相效而來、老人俄死、田宅沒官

○孫景卿鄧差

三輔決錄、平陵孫奮、字景卿、富聞京師、性儉吝、嘗宿客舍、顧錢甚少、主人曰、君惜錢如此、欲作孫景卿耶、奮後

爲梁冀徵其家財、下獄死。廣行五記。鄧差南郡臨沮人、大富。道逢賈人相對共食羅布殊品。呼差與焉。差曰：「君遠行商賈，勢不在豐。何爲頓爾珍羞美食？」賈人曰：「人生在世，終止爲身口耳。一朝病死，安能復進甘味乎？終不如臨沮鄧生。平生不用爲守錢奴。爾差不告姓名，歸至家，宰鷄自食，動筋骸骨，鯁其喉而死。」

○○靳賞

蕭衍長圍旣立，齊師屢敗。帝東昏侯猶惜金錢，不肯賞賜。茹法珍叩頭請之。帝曰：「賊來獨取我耶？何爲就我求物？」

後堂儲數百具榜啓爲城防帝曰擬作殿竟不與

○吝禍

金華有豪民李甲、尅衆肥家、居近古剎、有二僧頗爲村人所欽仰、往求施、人多喜捨、亦時時受甲妻之密惠、甲知之、銜忌尤深、一日二僧以事至其家、甲故爲殷勤之態、而私令僕幹作四餅、寘毒其中、以出勸二僧、僧方飯飽、不下嚙、乃懷其餅歸寺、明旦二小兒綠衣垂髮、入寺遊觀、問之、則甲之兩子也、驚曰、此李公愛子、可以果餌、延之、命其徒遍慘於房、弗得、惟餅在几上、卽取以飼之、

二兒各食其一、仍懷其一還家、入門大呼腹痛、金仆地、
躑躅以死、甲莫喻其故、詢其僕、慘其身、餘餅在焉、乃知
中毒而亡、吞聲飲泣而已

余曾舉此故事似一吝者、吝者曰、君言吝禍、自我言
之、還受不吝之累、若我并惜四餅、那有此禍

○置產

常州蘇掖仕至監司、家富甚、每置產、吝不與直、所爭
一文、必至失色、後因置別墅、與售者反復受苦、子在旁
勸曰、大人可增少金、我輩他日賣之、亦可得善價也、掖

愕然自爾少改

郭進有才畧治第方成聚族人賓客落之下至土木
之工皆與宴設諸工之席於東廡人咸曰諸子安可
與工徒齒進指諸工曰此造宅者指諸子曰此賣宅
者固宜坐造宅者下